

Kuki Christian Church

Houbung Lekhathot

Kuma Iahman
Houbung Rs. 200/-
Changval'a Rs. 200/-
Copy khat man
Rs. 20/-

Private Circulation Only

Kum 16na

March 2017

Lom 181na

Phengmai 1223

March 2017 sunga twilut

Thu kijahto le na a March 2017 sunga Pakai Jesu tahsan thah twilut hi 110 vel ahi. Atamjo hi gamthah ho (1) Manipur valley, (2) Tripura, (3) Nepal leh (4) Mishing Christian Church hoa kon ahi. Chule KCC Assembly Synod hoa kon hi kicheh tah a akihet lou vangin 50 beh hiteiyinte.



Pakai Jesu tahsan na hi acham tah a thanopna nei, Pakai Jesu huhhingna hetoh a, koi sei vang hilouva ama cheh-in Pakai Jesu tahsanna neiya aphondoh leh Biblea kisun banga Houbung lhacha hon twi alutsahji ahi. Hiche thudol'a hin geltoh ding khoh thu ni aum'e, (1) Missionary khanga akikhensa loitum houbunga lutna ding banga twilut chu suhmil'a, Pakai Jesu tahsan jouse toh sopi, Pathen chalam thu hina joh a twi lut ding ahi. (2) Tulaiya twilut ho hi aman jong dei chat khat nei jeh leh, midangin ada acham louva twilut hi bolda pha ahi.

39 Lhinna KCC Assembly

Kumthah 2017 March 17-20 sungin 39 lhinna Kuki Christian Church Assembly chu Khongsai veng, Laipham Khonou, Imphal East District sunga akibol'in, lolhingsel'in akichaitai. Hiche khoppilen a hung pang hon akibol dan hecheh-untin, America konin jong Dr. Greg Taylor, Dr. Michael Mallick, Mrs. Rita Seggelke chule Mrs. Karen Hobler ahung pangui. Pasal tenin



khoppi thupi: "**Pathen Lenggam**" nivei cheh aseilhonin, chule numei tenin jong phat khat cheh-in thu aseilhon'e.





19 March 2017 nilhah kaikhom chun thupi, "Pathen Lenggam" nga channa ken (T. Lunkim) kaseiye. Dr. Greg Taylor le Dr. Michael Mallick thusei ho chu TTS/RTC Hilkung hon Kuki paovin aledoh-uvn, jihthon vang asepouve, hijeh chun aseiya apan lhon bou lekhatthot'a hung kiso ahi.



Kikhop sunga labung san KCC Manipur Synod KCK, Imphal Christian Church, Trulock Theological Seminary, Restoration Theological College, Khongsai Veng Christian Church chujongle DANNSI student ho leh kah lah a chang lasa hon, kikhopna asulim chom lheh-ue.



Assam, Manipur, Nagaland leh Tripura gamkai (State) hoa konin 39na KCC Assembly mi ahung cheh-e. Kihouna panga chu palai 70 alhingn, Houin kai jing chu mi sang lam hitheyinte. Kikhop chai nilhah vang chun mi sang val lam tei le akilom'e.





19 March 2017 sun chun Kuki nam chondan phabep thona a (1) Sugnu gambih, (2) Mongkot gambih, (3) Churachandpur gambih chule Khongsai Veng apangun, kipa thuseiyin Pu Jamchinlen Lunkim ITS, General Manager apang'e. Nilhah kaikhop'in jong Pu Clay Khongsai, IGP kipa thuseiyin apang'e.



Kikhop pat nilhah chun go phabep ajun 18-19 March 2017 sungin kho aphan, ima jouse kitup keyin akichaiye. Khoneiten kikhopna pang jouse neh le chah apeuvin, koima palai le palai lou kidatna beiyin khoneiten avahsoh keyui.



39 Lhinna KCC Assembly a gamthah panpi kipe

Pakai Jesu Christa tahsan giltah a hethem jousen Christian jouse natoh dia kiseipeh, "Pakai Jesu Seijui" (tahsan) sembe be jeng ding hi ahin sumil poute. Christiante natoh kiti jouse hi Pakai Jesu seijui semna dinga manchah khat hitei ding ahi.

Pakai Jesu seijui semna dia chung a kisei natoh dang Bible School ho leh Hospital geiya seijui sem dia gamthim a tahsa tah a che Missionary kisol ho kithopina dinga kibol ahi. Missionary hihen Evangelist hileh Kuki paovin akilekhoh pon hetmatna dia Solchah le Kipana Thupha seiphonga Pakai Jesu huhhingna thupha gasei ho ahiuvin ama ho hi munsuh a seijui semdoh dia kisol ahiuve.

KCC hin munsuh a Seijui semna dinga Gospel Mission Society hi kismdoh a, hiche GMS a hi koi hileh changval'a pang nom, Houbung min a pang nom jousen apanna thei cheh a pan alah a, aban a amun tah a seijui sem ding mi kisol ho chu "Missionary" ahilou leh "Evangelist" tia vannoi het theiya kiminvo ahi.



39 Lhinna KCC Assembly a chun gamthim mun ni (1) Nepal gam le (2) Assam gamkai India sunga Mishing miho lhangsunga panpina peh din akilolna No. KCCA/666/39/19(4) akineitai.



Nepal Christian Church panpi din (1) Kangpokpi Christian Church, (2) Gelnal Christian Church, (3) Kolgam kihopsah sunga KCC ho chule (4) KCCA a kona panpi ding aumtauve. Mishing Christian Church panpi nom koima akiphong hih laiye. Koi hijongle apang nom chan aman ajokham kham a pang thei, Houbung ho hijongle pang thei ahiuve.

KCC/Seminary le College dopsangna dia panpi ding

Manipur State Imphal khopi sunga Kuki Christian Church makaiya, Pathen vangboh jal'a kiboldoh Seminary leh College dopsanga doctoral degree chan a boldohna dinga hin panpi cheh din temna akineiyee. Ajeh chu Hou thudol hi mitin het ngai ahi. Houdol kiti tampi um jongle houdol boldoh jousen Pathen houna abol cheh ahi.

Pakai Jesu thuhil'a kona kicheh tah a kimudoh chu Pathen khat bou ahi. Ajeh chu Pakai Jesu Pathen Chapan aseiyee. Ama tilou mihem a peng koi macha Pathen mukha leh Pathen dei hechen aumpoi. Hijeh a chu hiche

Pathen hi ahina bang leh Ama houna dia Pakai Jesu seibanga (Jn. 4:24) hou ding sei koima aumpoi. Mihem ngaito bang hilouva Pathen ahina banga houna kihilna dinga: Bible School, College, Seminary, University kiti ho hi kibol ahi.

Leiset'a Pathen Insung Houbung kihetdoh til chun Pathen adei bangle ahina banga hou ding kihilna dingin "Monastery" munchom beh khat'a ahinbol pan'un, tulaiyin, School, College, Seminary le University hoa hi kihilna aneiyu ahi. Hijeh a chu Pathen adih le adeiya houdol hetna tei tei dinga College le Seminary chan ineidohsau hi dopsanga doctoral chan bol'a, Houdol hetna khong kheh, asangpen doctoral degree chan geiya nei tei tei ding hi Christian jouse khohsah ding ahi. Igamsung le ikhopi sunguva hiche houdol adih le Pathen deiya kihilna toh molsona chu pankhom a boldoh ngai, khat le nin deiman a boldoh jou hoi ahipoi. Pankhom a aumsa College le Seminary dopsanga doctoral chan boldohna pang cheh-u hite tia temna kinei ahi.



If undelivered please return to:

HOUBUNG LEKHATHOT
P.O. Box - 52, Imphal - 795001
Manipur
